

Transkription von Urkunde HST 1453b

Ort, Datierung: Stralsund, 1453-05-19

Signatur: Stadtarchiv Hansestadt Stralsund, StU 1191 a [\[online\]](#)

Inhalt: Claws Kulpe: Quittung

Jk claws külpe myt mynen rech(ten) ernamen bekenne vn(de) betüghe openba(r)e in desseme Jeghenwordig(en) breue vor / alsweme dat ik hebbe vorkoft vn(de) vorlaten vor kope vn(de) late to eneme ewighen rechten kofen kope deme besche/denen ma(n)ne hinrike van dem berghe vn(de) synen rechten ernamen vor eyne(n) su(m)men pen(nin)g(en) den ik to myn(er) noge / van em entfanghen vn(de) vp ghebort hebbe vor der makynghes desser breues my(n) dorp to(m) sysdemytze in deme be/vloten lande to rugghen belegen vp jasmunde in deme kerspel to babbyn vn(de) den broch to babbin myt alle / syner to behoringhe also dat dorp vn(de) kruch nu ligghen vn(de) van oldinghes gheleghen hebben bynnen alle / ere(n) scheyden vn(de) enden endelyken begrepen myt akkere ghebuwet vn(de) vnghebuwet myt wysse myt weide / myt torue myt mure myt holte myt bussche myt struke myt wat(er)e vletende vn(de) stande myt weghe myt steghe / myt richte myt denste myt dem hoghesten vn(de) sydesten rechte to richtende an hals vn(de) an hant vn(de) myt aller vrig=/heit vn(de) rechticheit also vryg also myne olderen vore vn(de) ik na alder vryghet vn(de) hoghest ghe hat bruket vnde / beseten hebben myt aller nut vn(de) vrucht de dar nu ane is vn(de) noch ane werden mach in tokomenden tiden vn(de) dar / nicht ane vt ghenomen dat sy benomet edd(er) vnbenomet dat cleyne noch dat grote also ganz vn(de) also deghe / dat ik noch myne ernamen an deme vorben(omeden) dorpe vn(de) kroghe [...] myne eruen / hinrike vn(de) synen erue(n) dyt vorben(omede) gud vryghen vn(de) en [...] alle plicht vn(de) [...] heren denst vn(de) vor alle / an sprake vn(de) bewernysse(n) gheistlyker vn(de) wertlyker p(er)sonen de recht gheuen vn(de) recht nemen willen vn(de) he mach dyt gud / vor kopen vor setten vor buten vor gheuen vor anderen vn(de) keren in gheistlyke efte in wertlyke achte ganz efte ey(n) del / weme he wil vn(de) deme efte den schal ik vn(de) wil alle stücke vn(de) artikele holden also desse breff vth wyset vn(de) jnne holt vn(de) / ik schal em dyt vorben(omede) gud dorp vn(de) kroch vorlaten vor weme ik des van rechtes wegghen plichtich bin to vorlatende / vn(de) waren em na der vorlatinghe vn(de) vom also in deme lande ey(n) recht ys vn(de) wysen en in eyne myne vredesame besitting(e) / myt kraft desser breues Alle desse vorscre(ue)n stücke vn(de) artikele loue ik Claws kulpe myt myne(n) rechten ernamen hin=/ryke vorscre(ue)n vn(de) synen rechten ernamen jn guden truwen vn(de) in gantzer warheit stede vaste uol to holdende also hir / vorscre(ue)n steit To groter bewaringhe vn(de) merer bekennisse aller desser vorscre(ue)n dink so hebbe ik Claus vorbe(nome)t myn / Jnghezeghel myt willen vn(de) wetenheit vor my vn(de) myne erue(n) ghehenghet an dessen breff hir hebben an vn(de) ouer ge=/wesen desse erbaren ma(n)nes also her Nicolaus haghedorn Ratman hinrik van vnna vn(de) gherwin van hern Borgh(er)e tom / sunde de v(m)me bede willen ere Jnghezeghele nien to tughe vn(de) to witlicheit mede hebben ghehenghet an dessen breff / de gheuen vn(de) ghescre(ue)n is tom Sunde na god(es) bort vertey(n)hundert jar dar na in deme drevndefichtigsten Jare / an pinxteaude der erbaren hilghen tijt .